

**S T A T U T**  
**FONDA ZDRAVSTVENOG OSIGURANJA**  
**BRČKO DISTRIKTA BOSNE I HERCEGOVINE**  
**(prečišćen tekst)**

Na osnovu člana 18 stav (1) tačka n) Statuta Fonda zdravstvenog osiguranja Brčko distrikta BiH („Službeni glasnik Brčko distrikta BiH“, broj: 17/07, 1/08, 3/15, 7/15, 41/16, 42/17 i 50/18), u vezi sa Zaključkom Upravnog odbora Fonda zdravstvenog osiguranja Brčko distrikta BiH sa 25. redovne sjednice, održane 28.03.2019. godine, v.d. direktora Fonda zdravstvenog osiguranja Brčko distrikta BiH utvrdio je prečišćen tekst Statuta Fonda zdravstvenog osiguranja Brčko distrikta Bosne i Hercegovine, broj: 015-180/7-000001/07 od 03.05.2007. godine sa Odlukom o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-000030/07 od 19.12.2007. godine, Odlukom o izmjenama Statuta Fonda zdravstvenog osiguranja Brčko distrikta BiH, broj: 015-180/7-UO-123/14 od 30.12.2014. godine, Odlukom o izmjeni Statuta Fonda zdravstvenog osiguranja Brčko distrikta BiH, broj: 015-180/7-UO-33/15 od 26.03.2015. godine, Odlukom o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-48/16 od 26.10.2016. godine, Odlukom o dopuni Statuta Fonda zdravstvenog osiguranja Brčko distrikta BiH, broj: 015-180/7-UO-109/17 od 30.10.2017. godine i Odlukom o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-108/18 od 31.10.2018. godine.

Broj: 015-180/8-40/19  
Brčko, 24.04.2019. godine

**DOSTAVITI:**

1. Šefovima Službi (x3)
2. Internom kontroloru
3. Stručnom savjetniku direktora  
za oblast zdravstvenog osiguranja
4. Šefu računovodstva
5. Evidenciji
6. Arhivi

**V.D. DIREKTORA**

**Miodrag Todorović, dipl. ekonomista**

**S T A T U T**  
**FONDA ZDRAVSTVENOG OSIGURANJA**  
**BRČKO DISTRIKTA BOSNE I HERCEGOVINE**  
**(prečišćen tekst)**

**DIO PRVI**

**Član 1**

- (1) Ovim Statutom reguliše se organizacija i funkcionisanje Fonda zdravstvenog osiguranja Brčko distrikta Bosne i Hercegovine (u daljem tekstu: Fond):
- a) naziv, sjedište i djelatnost Fonda;
  - b) pečat Fonda;
  - c) zastupanje i predstavljanje Fonda;
  - d) organi Fonda;
  - e) organizacija, prava, obaveze i odgovornosti organa Fonda;
  - f) uređenje službi Fonda i njihov djelokrug rada;
  - g) planiranje, finansiranje i finansijsko poslovanje Fonda;
  - h) ugovaranje zdravstvene zaštite za osiguranike Fonda;
  - i) rješavanje o pravima iz zdravstvenog osiguranja;
  - j) javnost rada Fonda;
  - k) donošenje i tumačenje Statuta i drugih opštih akata Fonda;
  - l) tajnost podataka;
  - m) imovina Fonda;
  - n) saradnja Fonda sa drugim organima i organizacijama;
  - o) druga pitanja od značaja za sprovođenje zdravstvenog osiguranja.

- (2) Fond realizuje:
- a) prava i obaveze iz obaveznog zdravstvenog osiguranja na načelima uzajamnosti i solidarnosti u okviru Brčko distrikta Bosne i Hercegovine (u daljem tekstu: Distrikt) u skladu sa Zakonom o zdravstvenom osiguranju Brčko distrikta Bosne i Hercegovine (u daljem tekstu: Zakon), drugim zakonima, podzakonskim propisima, propisima Distrikta i opštim aktima Fonda;
  - b) prava i obaveze iz proširenog zdravstvenog osiguranja u skladu sa Zakonom i opštim aktima Fonda;
  - c) prava i obaveze iz dobrovoljnog osiguranja u skladu sa Zakonom i opštim aktima Fonda.

### **Član 2**

Fond je osnovan Odlukom o osnivanju Fonda zdravstvenog osiguranja Brčko distrikta Bosne i Hercegovine, broj: 0-02-022-136/06 od 14.12.2006. godine i Odlukom o izmjeni i dopuni Odluke o osnivanju Fonda zdravstvenog osiguranja Brčko distrikta Bosne i Hercegovine, broj: 0-02-022-6/07 od 09.02.2007. godine (u daljnjem tekstu: Osnivački akt).

### **Član 3**

- (1) Sredstva za ostvarivanje prava iz člana 1 stav (2) Statuta obezbjeđuju se na način uređen Zakonom i Osnivačkim aktom, evidentiraju na posebnim računima čije se poslovanje vodi odvojeno i koriste namjenski.
- (2) U Fondu se vrši kontrola u obezbjeđivanju sredstava, njihovom evidentiranju, finansijskom poslovanju, korištenju i ostvarivanju prava.

## **DIO DRUGI**

### **Glava I – Naziv, sjedište i djelatnost Fonda**

#### **Član 4**

- (1) Fond je pravno lice sa pravima, obavezama i odgovornostima utvrđenim Zakonom, Osnivačkim aktom, drugim zakonima i podzakonskim propisima, Statutom i drugim opštim aktima Fonda.
- (2) Fond se upisuje u sudski registar.
- (3) Fond ima žiro račun.

#### **Član 5**

- (1) Fond obavlja svoju djelatnost, posluje i učestvuje u pravnom saobraćaju pod nazivom "Fond zdravstvenog osiguranja Brčko distrikta Bosne i Hercegovine".
- (2) Naziv Fonda mora se istaknuti na zgradi u kojoj je njegovo sjedište, odnosno u kojoj obavlja djelatnost radi koje je osnovan.
- (3) Skraćeni naziv je „FZO Brčko distrikta BiH“.
- (4) Sjedište Fonda je u Brčkom, ul. Vuka S. Karadžića broj 4.

#### **Član 6**

Fond obavlja sljedeće djelatnosti:

- a) sprovođenje politike razvoja i unapređivanja zdravstvene zaštite koja se obezbjeđuje zdravstvenim osiguranjem;
- b) planiranje i prikupljanje novčanih sredstava svih oblika zdravstvenog osiguranja kojima se finansiraju zdravstvene usluge i administrativni troškovi Fonda;
- c) obavljanje poslova u vezi sa ostvarivanjem prava osiguranika i osiguranih lica Fonda, briga o zakonitom i blagovremenom ostvarivanju tih prava, te obezbjeđivanje stručne pomoći osiguranicima u ostvarivanju prava i zaštiti njihovih interesa;
- d) obavljanje poslova ugovaranja sa svim zainteresovanim javnim i privatnim zdravstvenim ustanovama i radnicima o pružanju zdravstvenih usluga uz poštivanje važećih procedura;
- e) određivanje kriterijuma i načina korišćenja naknada osiguranicima za nastale troškove koji spadaju u obim prava iz zdravstvene zaštite;
- f) određivanje obima i vrste prava iz osiguranja, visine naknada plate u toku privremene spriječenosti za rad na teret Fonda, kao i način valorizacije osnovice za naknadu plate u toku privremene spriječenosti za rad;

- g) učestvovanje u izradi i sprovođenje međunarodnih ugovora o socijalnom osiguranju u dijelu koji se odnosi na obavezno zdravstveno osiguranje;
- h) obračunavanje dugovanja i potraživanja troškova zdravstvenog osiguranja i druge poslove u skladu sa međunarodnim ugovorima;
- i) praćenje obračuna dugovanja i potraživanja troškova zdravstvenog osiguranja;
- j) obavljanje poslova u vezi sa korišćenjem zdravstvene zaštite u inostranstvu;
- k) u saradnji sa Odjeljenjem za zdravstvo i ostale usluge Vlade Distrikta (u daljem tekstu: Odjeljenje za zdravstvo) obavljanje nadzora kontrole poslovanja davalaca zdravstvenih usluga, u vezi sa zaključenim ugovorima za tekuću godinu;
- l) obavljanje poslova izrade podzakonskih i drugih akata u vezi sa ostvarivanjem prava iz zdravstvenog osiguranja za čije donošenje su nadležni organi Distrikta i organi Fonda;
- m) obavljanje poslova vođenja evidencija, u oblasti obaveznog zdravstvenog osiguranja, a po potrebi uvodi dodatna statistička istraživanja od interesa za zdravstveno osiguranje;
- n) uređivanje ostalih pitanja u vezi sa ostvarivanjem prava iz zdravstvenog osiguranja;
- o) saradnja sa ostalim institucijama u Bosni i Hercegovini i Brčko distriktu BiH;
- p) izrađivanje i distribucija svih potrebnih obrazaca za zdravstveno osiguranje;
- r) drugi poslovi utvrđeni Zakonom, Osnivačkim aktom, Statutom i drugim propisima i aktima Fonda.

### **Član 7**

- (1) Pored poslova iz člana 6 Statuta, u Fondu se obavljaju i sljedeći poslovi:
  - a) prijava i odjava osiguranika i osiguranih lica sa prebivalištem na teritoriji sjedišta;
  - b) izdavanje i ovjera isprava kojima se utvrđuje i dokazuje svojstvo osiguranog lica;
  - c) uspostavljenje i vođenje kartoteke osiguranih lica;
  - d) utvrđivanje prava na ortopedska i druga pomagala, te ovjera izdatih naloga za navedena pomagala i njihovo evidentiranje;
  - e) kontrola obračuna i isplata putnih i drugih troškova u vezi sa ostvarivanjem zdravstvene zaštite i njihovo evidentiranje;
  - f) prijem, evidentiranje, ovjera i izdavanje obrazaca u vezi sa sprovođenjem međunarodnih sporazuma o socijalnom osiguranju u dijelu koji se odnosi na zdravstveno osiguranje;<sup>6</sup>
  - g) obezbjeđivanje i vodenje statističkih podataka o osiguranicima i osiguranim licima;<sup>6</sup>
  - h) vođenje evidencije o uplati doprinosa za obavezno zdravstveno osiguranje svih obveznika obračuna i uplate doprinosa;<sup>6</sup>
  - i) kontrola osiguranika koji se nalaze na bolovanju;<sup>6</sup>
  - j) vođenje evidencije o uplati doprinosa za zdravstveno osiguranje po obvezniku doprinosa i osiguraniku, kao i potrošnje po obvezniku i licima osiguranim po njegovom osnovu;<sup>6</sup>
  - k) kontrola i plaćanje računa za zdravstvene usluge;<sup>6</sup>
  - l) kontrola obračuna isplaćenih naknada u toku privremene spriječenosti za rad i refundiranje istih;<sup>6</sup>
  - m) evidencija izdatih lijekova;<sup>6</sup>
  - n) rješavanje u prvom stepenu o pravima iz obaveznog zdravstvenog osiguranja;<sup>6</sup>
  - o) izvršavanje i drugih prava, obaveza i odgovornosti koji su regulisani zakonskim propisima i opštim aktima Fonda.<sup>6</sup>

<sup>6</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-108/18 od 31.10.2018. godine.

## **Glava II – Pečat Fonda**

### **Član 8**

- (1) Fond ima svoj pečat i štambilj.
- (2) Odluku o pečatu Fonda donosi direktor Fonda, u skladu sa Zakonom o pečatu Brčko distrikta BiH.
- (3) Bliže odredbe o broju, veličini, obliku, sadržaju, upotrebi i čuvanju pečata i štambilja utvrđuje odlukom direktor Fonda.

## **Glava III – Zastupanje i predstavljanje Fonda**

### **Član 9**

- (1) Fond predstavlja i zastupa direktor Fonda.
- (2) Direktor Fonda ovlašten je da u ime i za račun Fonda zaključuje ugovore i vrši druge pravne radnje, kao i da zastupa Fond pred sudovima i drugim organima, u okviru prava, obaveza i odgovornosti koji proizilaze iz djelatnosti Fonda.
- (3) Po ovlaštenju direktora Fonda, u poslovima iz njegove nadležnosti, Fond mogu zastupati i druga lica.

## **Glava IV – Organi Fonda**

### **Član 10**

- (1) Organi Fonda su:
  - a) organ upravljanja – Upravni odbor;
  - b) izvršni organ – Direktor.

## **Glava V – Organizacija, prava, obaveze i odgovornosti organa Fonda**

### **Odjeljak A – Upravni odbor**

#### **Član 11**

- (1) Fondom upravlja Upravni odbor.
- (2) Upravni odbor sastoji se od pet članova vodeći računa o odredbama člana 20 Statuta Brčko distrikta BiH:
  - a) jedan član, državni službenik zaposlen u organu uprave Brčko distrikta BiH, uljučujući i rukovodeće državne službenike koji posjeduju VSS i iskustvo u oblasti ekonomije i finansija, u minimalnom trajanju od tri godine;<sup>2 6</sup>
  - b) jedan član predstavnik davalaca usluga iz javnog sektora;<sup>2 6</sup>
  - c) tri člana iz reda predstavnika osiguranika.<sup>2 6</sup>
- (3) Član upravnog odbora ne može biti lice koje je direktor javnog preduzeća ili ustanove Brčko distrikta BiH.<sup>6</sup>
- (4) Članovi Upravnog odbora se biraju javnim pozivom.<sup>6</sup>
- (5) Članovi Upravnog odbora između sebe biraju predsjednika, većinom glasova.<sup>6</sup>
- (6) Članovi Upravnog odbora se imenuju na period od četiri godine i po isteku tog perioda mogu biti ponovo imenovani, s tim da ne mogu biti imenovani više od dva puta.<sup>6</sup>
- (7) Upravni odbor je za svoj rad odgovoran Skupštini Distrikta. Skupština usvaja godišnje izvještaje Fonda.<sup>6</sup>
- (8) Upravni odbor ili pojedine članove Upravnog odbora razrješava Skupština Distrikta po sopstvenoj inicijativi, te na prijedlog gradonačelnika ili na prijedlog Upravnog odbora.<sup>6</sup>
- (9) Skupština Distrikta razrješava Upravni odbor ili pojedine članove Upravnog odbora, tročetinskom većinom glasova.<sup>6</sup>
- (10) U slučaju prestanka članstva u upravnom odboru jednog od članova, mandat novoizabranog člana upravnog odbora traje do isteka mandata svih ostalih članova upravnog odbora.<sup>6</sup>

<sup>2</sup> Odluka o izmjenama Statuta Fonda zdravstvenog osiguranja Brčko distrikta BiH, broj: 015-180/7-UO-123/14 od 30.12.2014. godine;

<sup>6</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-108/18 od 31.10.2018. godine.

#### **Član 12**

- (1) Upravni odbor radi i odlučuje na sjednicama.
- (2) Sjednicama Upravnog odbora prisustvuju šef Odjeljenja za zdravstvo i direktor Fonda, bez prava glasa.
- (3) Upravni odbor punovažno odlučuje ako sjednici prisustvuje većina od ukupnog broja članova Upravnog odbora.
- (4) Upravni odbor donosi odluke većinom glasova ukupnog broja članova Upravnog odbora.
- (5) Predsjednik Upravnog odbora svojim potpisom ovjerava akte koje donosi Upravni odbor.
- (6) Upravni odbor može da isključi direktora sa sjednica na kojim se ocjenjuje njegov rad.

## Član 13

- (1) Upravni odbor Fonda:
- a) utvrđuje program djelatnosti obaveznog zdravstvenog osiguranja i mjera za unapređenje obaveznog zdravstvenog osiguranja;
  - b) utvrđuje politiku korišćenja sredstava zdravstvenog osiguranja;
  - c) daje smjernice za funkcionisanje Fonda radi pravilnog ostvarivanja prava osiguranih lica i racionalnog poslovanja;<sup>6</sup>
  - d) donosi Statut Fonda;
  - e) donosi Poslovnik o radu Upravnog odbora;
  - f) predlaže i/ili donosi druge akte čije je donošenje predviđeno zakonom, od značaja za sprovođenje zdravstvenog osiguranja;
  - g) predlaže, u skladu sa zakonom, stope i osnovice doprinosa za zdravstveno osiguranje;
  - h) odlučuje o visini, kriterijima i načinu isplate troškova koje Fond, prema svojim finansijskim mogućnostima, može plaćati za pružanje zdravstvenih usluga osiguranim licima;
  - i) donosi finansijski plan Fonda;
  - j) usvaja godišnji obračun – finansijski izvještaj, o čemu izvještava Skupštinu;
  - k) donosi prijedlog osiguravanja dodatnih sredstava i način pokrivanja eventualnih gubitaka nastalih u poslovanju;
  - l) razmatra i predlaže godišnji izvještaj o radu Fonda zdravstvenog osiguranja;
  - m) razmatra izvještaje o kontroli vrste, obima i kvaliteta izvršenih zdravstvenih usluga;
  - n) donosi opšti akt o načinu vršenja kontrole obveznika doprinosa;
  - o) sprovodi druge oblike osiguranja, ako su predviđeni Zakonom;
  - p) saraduje sa drugim Fondovima/Zavodima osiguranja/reosiguranja i drugim organizacijama u stvarima od zajedničkog interesa;
  - r) usvaja Pravilnik o unutrašnjoj organizaciji i sistematizaciji i vrši izmjene istog;
  - s) vrši popunu radnih mjesta po usvojenoj sistematizaciji, procedurom konkursa;
  - t) sprovodi disciplinski postupak;
  - u) određuje predstavnike u drugim organizacijama;
  - v) donosi sva akta koja se tiču realizacije pojedinačnih prava iz zdravstvenog osiguranja;
  - w) vrši i druge poslove za koje je ovlašćen zakonom, podzakonskim, opštim ili drugim aktima.
  - z) donosi odluke o zaključivanju ugovora Fonda sa zdravstvenim ustanovama i privatnim zdravstvenim radnicima o pružanju zdravstvenih usluga u skladu sa zakonom i podzakonskim aktima.
- (2) Upravni odbor može formirati komisije ili odbore za izvršavanje određenih zadataka.

## Član 14

- (1) Način rada Upravnog odbora uređuje se Poslovnikom o radu Upravnog odbora.
- (2) Poslovnikom o radu Upravnog odbora uređuje se:
- a) Način rada;
  - b) Pripremanje i održavanje sjednica;

<sup>6</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-108/18 od 31.10.2018. godine.

- c) Postupak predlaganja, tok rasprave, usaglašavanje i odlučivanje;
- d) Prava, obaveze i odgovornosti članova Upravnog odbora;
- e) Obrazovanje, sastav, način izbora, djelokrug i način rada stalnih odbora i komisija Upravnog odbora;
- f) Vođenje i izrada zapisnika;
- g) Potpisivanje zapisnika i drugih akata Upravnog odbora;
- h) Druga pitanja od značaja za rad Upravnog odbora.

## Član 15

- (1) Za izradu opših i drugih akata, složenijih analitičko-izvještajnih dokumenata iz nadležnosti Upravnog odbora, mogu se obrazovati stručna radna tijela, stalni i povremeni odbori i komisije.
- (2) Obrazovanje stručnih radnih tijela, odbora i komisija, njihov sastav, način izbora i

djelokrug utvrđuju se Poslovnikom o radu Upravnog odbora i drugim aktima, ako zakonom ili podzakonskim aktima drugačije nije određeno.

- (3) Upravni odbor će regulisati način na koji će se obezbijediti dvostепенost upravnog postupka.

## **Odjeljak B – Direktor**

### **Član 16**

- (1) Fondom zdravstvenog osiguranja rukovodi direktor.
- (2) Imenovanje i razrješenje direktora vrši Upravni odbor.
- (3) Imenovanje direktora se vrši nakon sprovedenog javnog konkursa.
- (4) Razrješenje direktora urediće se Pravilnikom o radu zaposlenika Fonda.
- (5) Direktor se imenuje na period od četiri godine i po isteku tog perioda može biti ponovo imenovan.
- (6) Za svoj rad direktor je odgovoran Upravnom odboru.
- (7) Upravni odbor imenuje vršioca dužnosti direktora za period od dana razrješenja, smrti, otkaza ili isteka perioda na koji je direktor imenovan do momenta imenovanja novog direktora.
- (8) Izuzetno od stava (7) ovog člana, u slučaju kada Upravni odbor nije izabran ili je istom istekao mandat, vršioca dužnosti direktora Fonda zdravstvenog osiguranja, za period od dana razrješenja, smrti, otkaza ili isteka perioda na koji je direktor imenovan do momenta imenovanja novog direktora, imenuje Skupština Brčko distrikta BiH.<sup>4</sup>
- (9) Period na koji se imenuje vršilac dužnosti direktora ne može biti duži od šest mjeseci.<sup>4</sup>
- (10) Direktor ne može biti član Upravnog odbora.<sup>4</sup>

### **Član 16a<sup>6</sup>**

#### **(Zamjenici direktora)**

- (1) Fond ima dva zamjenika direktora.
- (2) Zamjenici direktora moraju imati iste uslove u pogledu stručne spreme, radnog iskustva kao i direktor pri izboru.
- (3) Odredbe koje se odnose na proceduru imenovanja, mandat i razrješenje direktora, analogno se primjenjuju i na zamjenike direktora.
- (4) Zamjenici direktora pomažu direktoru u vršenju njegovih dužnosti i zamjenjuju ga u slučajevima odsutnosti ili spriječenosti.
- (5) U slučaju odsutnosti ili spriječenosti direktora mijenja ga zamjenik direktora koga direktor odredi.
- (6) Zamjenici direktora imaju sva prava, dužnosti i odgovornosti direktora kada ga zamjenjuju.
- (7) Zamjenici direktora za svoj rad odgovaraju direktoru i upravnom odboru.

<sup>4</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-48/16 od 26.10.2016. godine;

<sup>6</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-108/18 od 31.10.2018. godine.

### **Član 17**

- (1) Direktor u pojedinačnim pravnim poslovima, u skladu sa pozitivnim pravnim propisima, samostalno raspolaže novčanim sredstavima čija vrijednost ne prelazi 50.000,00 KM.
- (2) Pojedinačne pravne poslove, u skladu sa pozitivnim pravnim propisima, čija vrijednost prelazi 50.000,00 KM, direktor može vršiti samo uz prethodnu saglasnost Upravnog odbora.
- (3) Izuzetno od odredbe stavova (1) i (2) ovog člana, direktor samostalno može preduzimati pravne poslove radi održavanja tekuće likvidnosti Fonda do iznosa koji odobri Upravni odbor.

### **Član 18**

- (1) Direktor Fonda zdravstvenog osiguranja:
  - a) organizuje rad i poslovanje Fonda;
  - b) zastupa i predstavlja Fond;
  - c) sprovodi ugovore, sporazume i dogovore koje Fond zaključi ili im pristupi;
  - d) stara se o blagovremenom obezbjeđivanju finansijskih sredstava potrebnih za sprovođenje zdravstvenog osiguranja, njihovoj namjenskoj upotrebi i zakonitom, pravilnom i blagovremenom ostvarivanju obima prava osiguranih lica;
  - e) daje naloge za izvršenje finansijskog plana i drugih akata donesenih od strane Upravnog odbora;

- f) priprema potrebne akte i materijale čija je izrada u djelokrugu rada Fonda, a koje razmatraju i o njima odlučuju organi vlasti, Upravni odbor, odbori i komisije Upravnog odbora i druga tijela obrazovana na osnovu zakona, podzakonskih akata, statuta i drugih opštih akata Fonda;
- g) rukovodi radom Fonda i donosi stručna uputstva s ciljem zakonitog, pravilnog i blagovremenog obavljanja poslova;<sup>6</sup>
- h) formira radne grupe za izradu složenijih materijala;
- i) formira komisije za postupke nabavke u skladu sa Zakonom o javnim nabavkama BiH;
- j) sprovodi izvršavanje odluka, zaključaka i drugih akata Upravnog odbora i njegovih odbora ili komisija;
- k) odobrava nabavke materijala i drugih sredstava neophodnih za rad u skladu sa dinamikom trošenja sredstava i finansijskim planom donesenim od strane Upravnog odbora;
- l) stara se o ostvarivanju javnosti rada Fonda, njegovih organa i službi;
- m) donosi rješenja o prijemu i raspoređivanju zaposlenika na poslove i zadatke, u skladu sa odlukama Upravnog odbora, Pravilnikom o unutrašnjoj organizaciji i sistematizaciji, Pravilnikom o radu zaposlenika Fonda, kao i drugim odlukama u skladu sa zakonom i opštim aktima Fonda;
- n) vrši i druge poslove koji su mu zakonom, podzakonskim aktima, statutom i drugim opštim aktima dati u nadležnost.

#### **Član 18a<sup>4</sup>**

U slučaju kada Upravni odbor nije izabran ili je istom istekao mandat direktor Fonda zdravstvenog osiguranja kao i vršilac dužnosti iz stava (8) člana 16 ove odluke u pojedinačnim pravnim poslovima, u skladu s pozitivnim pravnim propisima, samostalno raspoložuje novčanim sredstvima, bez ograničenja, izuzev raspolaganja novčanim sredstvima Fonda preko iznosa od 50.000,00 KM koje se vrši uz saglasnost Vlade Brčko distrikta BiH.

### **Glava VI – Uređenje službi Fonda i njihov djelokrug rada**

#### **Član 19**

- (1) Organizacija i poslovanje Fonda, uređenje službi u Fondu i njihov djelokrug rada urediće se Pravilnikom o unutrašnjoj organizaciji i sistematizaciji.
- (2) Za određene poslove iz stava (1) ovog člana Fond može obrazovati Stručnu službu.

<sup>4</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-48/16 od 26.10.2016. godine;

<sup>6</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-UO-108/18 od 31.10.2018. godine.

### **Glava VII – Planiranje, finansiranje i finansijsko poslovanje Fonda**

#### **Član 20**

- (1) Za ostvarivanje programa rada Fonda, Upravni odbor donosi program mjera krajem tekuće godine za narednu godinu.
- (2) Upravni odbor donosi odluku o pripremanju i donošenju programa rada i utvrđuje rok za njegovo donošenje.

#### **Član 21**

Sredstva potrebna za ostvarivanje prava iz obaveznog zdravstvenog osiguranja obezbjeđuju se u Fondu iz doprinosa, sredstava budžeta i iz drugih izvora utvrđenih zakonom i drugim propisima donesenim na osnovu zakona.

#### **Član 22**

Finansijsko poslovanje Fonda obuhvata izradu finansijskog plana prihoda i rashoda, ostvarivanje prihoda i izvršavanje rashoda, vođenje knjigovodstva i evidencija o finansijskom poslovanju i o sredstvima Fonda i izradu završnog računa Fonda.

#### **Član 23**

- (1) Upravni odbor donosi finansijski plan prije početka godine na koju se odnosi.
- (2) Finansijski plan mora biti uravnotežen.
- (3) Ako ne postoje uslovi da se finansijski plan donese prije početka godine na koju se odnosi, finansiranje se vrši privremeno najduže tri mjeseca.
- (4) Finansijski plan i odluku o privremenom finansiranju donosi Upravni odbor u skladu



sa zakonom.

#### **Član 24**

- (1) Finansijski plan se sastoji iz opšteg i posebnog dijela.
- (2) Opšti dio finansijskog plana sadrži: ukupan iznos predviđenih prihoda i predviđenih rashoda za utvrđene namjene, rezerve, odredbe o pravima, obavezama kao i mjerama za izvršavanje finansijskog plana i održavanje njegove ravnoteže.
- (3) Posebni dio finansijskog plana sadrži prihode po izvorima i rashode po bližim namjenama.
- (4) Planirana sredstva utvrđena finansijskim planom raspoređuju se prema namjenama srazmjerno ostvarenim prihodima u periodu u kojem se raspoređuju. Preraspodjela nepotrošenih sredstava može da se vrši na svim pozicijama, s tim da se nepotrošena sredstva preraspoređuju na materijalne troškove, a preostali dio sredstava na izdatke koji se odnose na prava iz zdravstvenog osiguranja.<sup>1</sup>
- (5) Unutrašnja preraspodjela sredstava odobrenih finansijskim planom Fonda zdravstvenog osiguranja Brčko distrikta BiH, vrši se jednom kvartalno i može se vršiti samo u posljednja tri kvartala tekuće fiskalne godine.<sup>1 2 3</sup>
- (6) Fond može u toku fiskalne godine da izvrši rebalans finansijskog plana Fonda u slučaju nepredviđene i značajne razlike između prihoda i rashoda Fonda, odnosno u slučaju kada se izdaci ne mogu pokriti planiranim prihodima, ili ukoliko prihodi prevazilaze projekciju, a potrebni su dodatni izdaci.<sup>1</sup>
- (7) Odluku o rebalansu finansijskog plana Fonda donosi Upravni odbor Fonda.<sup>1</sup>
- (8) Postupak donošenja rebalansa finansijskog plana Fonda vrši se na isti način kao i postupak usvajanja finansijskog plana od strane Upravnog odbora Fonda.<sup>1</sup>
- (9) U finansijskom planu Fonda mogu se planirati sredstva za nabavku, rekonstrukciju i investiciono održavanje stalnih sredstava Fonda u skladu sa Zakonom o računovodstvu i reviziji Brčko distrikta BiH.<sup>1</sup>

<sup>1</sup> Odluka o izmjenama i dopunama Statuta Fonda zdravstvenog osiguranja Brčko distrikta BiH, broj: 015-180/7-000030/07 od 19.12.2007. godine;

<sup>2</sup> Odluka o izmjenama Statuta Fonda zdravstvenog osiguranja Brčko distrikta BiH, broj: 015-180/7-UO-123/14 od 30.12.2014. godine;

<sup>3</sup> Odluka o izmjeni Statuta Fonda zdravstvenog osiguranja Brčko distrikta BiH, broj: 015-180/7-UO-33/15 od 26.03.2015. godine.

#### **Član 25**

- (1) Završni račun se sastavlja u skladu sa zakonskim propisima.
- (2) Opšti dio završnog računa sadrži ukupan iznos ostvarenih prihoda i izvršenih rashoda po utvrđenim namjenama, razliku između ostvarenih prihoda i izvršenih rashoda, ako razlika nastane i odredbe o rasporedu viška prihoda odnosno o pokriću viška rashoda.
- (3) Posebni dio završnog računa sadrži planom predviđene i ostvarene prihode po izvorima i vrstama i planom predviđene i izvršene rashode po bližim namjenama.

#### **Član 26**

- (1) Ako Fond po periodičnom obračunu, iskaže nepokrivene rashode, Upravni odbor je dužan da preduzme odgovarajuće mjere za otklanjanje gubitaka u skladu sa zakonom, a ako iskaže nepokrivene rashode po završnom računu, dužan je da sačini program mjera za pokriće gubitaka odnosno druge mjere za obezbjeđenje uravnoteženog poslovanja u narednom periodu.
- (2) Fond obrazuje sredstva rezerve najmanje u visini propisanoj Osnivačkim aktom.
- (3) O korištenju sredstava rezerve odlučuje Upravni odbor u skladu sa zakonom i članom 12 Osnivačkog akta.

#### **Član 27**

Upravni odbor razmatra i usvaja izvještaje o finansijskom poslovanju po periodičnom obračunu i završnom računu.

#### **Član 28**

Sredstva za rad Upravnog odbora, odbora i komisija Fonda obezbjeđuju se u finansijskom planu Fonda.

#### **Član 29**

Bliže odredbe o finansiranju i finansijskom poslovanju, knjigovodstvenim i drugim evidencijama koje se vode u Fondu utvrđuju se opštim aktom koji donosi Upravni odbor.

## **Glava VIII – Ugovaranje zdravstvene zaštite za osiguranike Fonda**

### **Član 30**

- (1) Odnosi između Fonda i javnih i privatnih davalaca zdravstvenih usluga regulišu se ugovorom koji zaključuje Fond u skladu sa zakonom, podzakonskim aktima i opštim aktima Fonda.
- (2) Ugovori iz stava (1) ovog člana zaključuju se na određeno vrijeme u skladu sa poslovnom politikom Fonda.
- (3) Ugovor u ime Fonda zaključuje direktor Fonda ili lice koje direktor Fonda ovlasti.
- (4) Ugovori se zaključuju po cijenama utvrđenim u skladu sa zakonom, podzakonskim aktima i opštim aktima Upravnog odbora.

## **Glava IX – Rješavanje o pravima iz zdravstvenog osiguranja**

### **Član 31**

- (1) O pravima iz zdravstvenog osiguranja u prvom stepenu rješava se u Fondu.
- (2) U postupku rješavanja o pravima iz zdravstvenog osiguranja u skladu sa zakonom, Statutom i opštim aktima Upravnog odbora, zaposlenici Fonda obezbjeđuju stručnu pomoć osiguranim licima.

## **Glava X – Javnost rada Fonda**

### **Član 32**

- (1) Rad Fonda je javan.
- (2) Javnost rada Fonda obezbjeđuje se:
  - a) Objavljivanjem Statuta Fonda i ostalih opštih akata Fonda u „Službenom glasniku Brčko distrikta BiH“;
  - b) Izdavanjem publikacija Fonda;
  - c) Po potrebi, obavještavanjem putem javnog informisanja o radu Fonda u vezi sa sprovođenjem zdravstvenog osiguranja, načinu ostvarivanja prava osiguranih lica, sprovođenju ugovora Fonda sa davoocima zdravstvenih usluga;
  - d) Podnošenjem izvještaja o radu Fonda;
  - e) organizovanjem i provođenjem rasprave o nacrtima određenih opštih akata;
  - f) omogućavanjem prisustva predstavnicima sredstava javnog informisanja sjednicama Upravnog odbora i davanjem potrebnih informacije o radu i funkcionisanju Fonda;
  - g) Isticanjem obavještenja na oglasnoj tabli Fonda;
  - h) Objavljivanjem opštih akata Fonda na službenoj internet stranici Fonda.<sup>5</sup>

### **Član 33**

U Fondu se mogu organizovati konferencije za novinare i po potrebi izdavati saopštenja za javnost.

### **Član 34**

- (1) Upravni odbor može da utvrdi i druge oblike ostvarivanja javnosti rada Fonda, organa i službi Fonda.
- (2) Za ostvarivanje javnosti rada Fonda odgovorni su Upravni odbor i direktor.

## **Glava XI – Donošenje i tumačenje Statuta i drugih opštih akata Fonda**

### **Član 35**

Upravni odbor u ostvarivanju prava, obaveza i odgovornosti Fonda utvrđenih Zakonom, podzakonskim propisima i Osnivačkim aktom, donosi Statut, opšte akte, planove, finansijske planove, programe, odluke i druge akte.

### **Član 36**

- (1) Nacrt Statuta priprema direktor i podnosi Upravnom odboru na razmatranje i usvajanje.

- (2) Nacrt Statuta dostavlja se Šefu odjeljenja za zdravstvo radi davanja mišljenja.
- (3) Upravni odbor može odlučiti da se nacrt Statuta iznese na javnu raspravu.
- (4) Upravni odbor donosi Statut na svojoj sjednici, jednoglasno.
- (5) U slučaju iz stava (3) ovog člana Upravni odbor odlučuje o širini, organizovanju i provođenju javne rasprave, te o rokovima za dostavu primjedbi, prijedloga i mišljenja.

#### **Član 37**

- (1) Prijedlog za izmjenu ili dopunu Statuta mogu dati:
  - a) Poslanici u Skupštini Distrikta;
  - b) Šef odjeljenja za zdravstvo;
  - c) predsjednik Upravnog odbora Fonda;
  - d) direktor Fonda;
  - e) jedna trećina članova Upravnog odbora Fonda;
- (2) Upravni odbor je dužan razmotriti svaki prijedlog i o svom stavu izvijestiti podnosioca.

#### **Član 38**

Izmjene ili dopune Statuta vrše se po postupku utvrđenom za njegovo donošenje.

#### **Član 39**

- (1) Donošenje, izmjene ili dopune drugih opštih akata Fonda vrše se po postupku utvrđenom zakonom, ovim Statutom i drugim opštima aktima Fonda.
- (2) Upravni odbor može odlučiti da se na javnu raspravu iznesu nacrti opštih akata kojima se uređuju prava i obaveze osiguranika i osiguranih lica kao i način njihovog ostvarivanja.

---

<sup>5</sup> Odluka o dopuni Statuta Fonda zdravstvenog osiguranja Brčko distrikta BiH, broj: 015-180/7-UO-109/17 od 30.10.2017. godine.

#### **Član 40**

- (1) Statut i drugi opšti akti za koje Upravni odbor odluči da se objave u „Službenom glasniku Brčko distrikta BiH“, stupaju na snagu osmog dana od dana objavljivanja u „Službenom glasniku Brčko distrikta BiH“.
- (2) Izuzetno od stava (1) ovog člana, ako postoje naročito opravdani razlozi, opšti akti stupaju na snagu narednog dana od dana objavljivanja.

#### **Član 41**

Tumačenje odredaba Statuta i drugih opštih akata Fonda daje Upravni odbor.

### **Glava XII - Tajnost podataka**

#### **Član 42**

- (1) Poslovnom tajnom smatraju se:
  - a) podaci koji su zakonom, drugim propisom ili opštim aktom Fonda utvrđeni kao poslovna tajna;
  - b) planovi i mjere fizičko-tehničke zaštite objekata i imovine;
  - c) podaci o poslovanju Fonda koje proglasi poslovnom tajnom direktor Fonda, a čije bi iznošenje neovlaštenom licu moglo uzrokovati štetu Fondu.

#### **Član 43**

- (1) Kao tajna čuvaju se i:
  - a) podaci koji se kao poslovna tajna saznaju od državnih organa i drugih fizičkih i pravnih lica;
  - b) podaci koji sadrže ponude na konkurs, javnu pogodbu ili licitaciju - do objave rezultata konkursa, javne pogodbe, odnosno licitacije;
  - c) podaci koji su zakonom, drugim propisom ili opštim aktom Fonda donesenim na osnovu zakona utvrđeni kao tajni podaci od posebnog značaja za privredu.

#### **Član 44**

- (1) Podaci o zdravstvenom stanju, ličnom ili porodičnom životu osiguranih lica Fonda i drugih lica koje saznaju radnici Fonda u obavljanju svojih poslova ili koje saznaju članovi Upravnog odbora,

a čije bi neovlašteno iznošenje moglo štetiti interesu lica na koju se podatak odnosi ili članovima njegove porodice smatraju se profesionalnom tajnom.

- (2) Profesionalnom tajnom smatraju se i podaci o osiguranim licima Fonda pohranjeni u informacionom sistemu Fonda i drugi podaci utvrđeni opštim aktom Fonda.

#### **Član 45**

- (1) Podatke koji se smatraju tajnom trećim licima smije dati na uvid direktor Fonda i/ili lice koje direktor Fonda za to ovlasti pisanim ovlaštenjem, pod uslovima utvrđenim zakonom i/ili opštim aktom Fonda.
- (2) Povreda dužnosti čuvanja tajne naročito je teška povreda radne dužnosti i osnova za naknadu eventualno pretrpljene štete.
- (3) O čuvanju tajne brine se direktor Fonda.

### **Glava XIII – Imovina Fonda**

#### **Član 46**

- (1) Imovinu Fonda čine novčana sredstva, nepokretne i pokretne stvari, prava i osnivačka ulaganja koja su Osnivačkim aktom i diobnim bilansom između Fonda i Vlade Distrikta pripala Fondu.
- (2) Imovinu Fonda, osim navedenog u stavu (1) ovog člana čine:
  - a) novčana sredstva;
  - b) hartije od vrijednosti;
  - c) kratkoročna potraživanja;
  - d) kratkoročni plasmani;
  
  - e) zalihe materijala i robe;
  - f) zalihe sitnog inventara;
  - g) stalna sredstva;
  - h) dugoročni plasmani;
  - i) materijalna prava;
  - j) ostale stvari i prava koja koristi ili kojima raspolaže Fond.

### **Glava XIV – Saradnja Fonda sa drugim organima i organizacijama**

#### **Član 47**

Fond, u okviru svog djelokruga rada saraduje sa drugim Fondovima/Zavodima osiguranja/reosiguranja i drugim organima i institucijama u stvarima od zajedničkog interesa.

### **Glava XV – Kontrola sprovođenja zdravstvenog osiguranja**

#### **Član 48**

Način kontrole cjelokupnog rada i poslovanja Fonda kao i drugih poslova koji su u vezi sa djelatnošću rada Fonda, urediće se aktima Upravnog odbora.

### **DIO TREĆI**

#### **Član 49**

Ovaj Statut stupa na snagu osmog dana od dana objavljivanja u „Službenom glasniku Brčko distrikta BiH”.

#### **Član 50**

Do donošenja provedbenih propisa utvrđenih zakonom i ovim Statutom, primjenjivat će se odgovarajuće odredbe Zakona o zdravstvenom osiguranju, Zakona o zdravstvenoj zaštiti, Osnivačkog akta i akata nadležnih organa Distrikta.